

Блаженны, прокимен,  
аллилуиарий, кондак  
8 гласов  
(из воскресного Октоиха)



## Глас 1

### *Стихи на Блаженны*

Снедию<sup>1</sup> изведе из рая враг Адама: Крестом же разбойника введе Христос вонь<sup>2</sup>, помяни мя, зовуща, егда приидеши во Царствии Твоем.

<sup>1</sup>через пищу

<sup>2</sup>в него (в рай)

Покланяюся страстем Твоим, славословлю и Воскресение со Адамом и разбойником, со гласом светлым вопию Ти: помяни мя Господи, егда приидеши во Царствии Твоем.

Распялся еси безгрешне, и во гробе положился еси волею, но воскресл еси яко Бог, совоздвигнувший Себе Адама, помяни мя, зовуща, егда приидеши во Царствии Твоем.

Храм Твой телесный тридневным Воскресивый погребением, со Адамом, и иже<sup>3</sup> от Адама, воскресил еси Христе Боже: помяни нас зовущих, егда приидеши во Царствии Твоем.

<sup>3</sup>тех, кто

Мироносицы приидоша<sup>4</sup> плачуща, на гроб Твой Христе Боже, зело рано: и в белых ризах обретоша Ангела сидяща, что ищите; зовуща. Воскресе Христос, не рыдайте прочее<sup>5</sup>.

<sup>4</sup>пришли

<sup>5</sup>больше

<sup>6</sup>куда Апостоли Твои Господи на гору, а може повелел еси им, пришедше Спасе, и Тя видевше поклонися. Ихже и послал еси во языки <sup>7</sup>их учити и крестити я<sup>7</sup>.

*Слава, Троицен:* Отцу поклонимся, и Сына славословим, и Пресвятаго Духа вкупе воспоем, зовуще и глаголюще: Всесвятая Троице, спаси всех нас.

*И ныне, Богородичен:* Матерь Твою приводят Ти в молитву, людие Твои Христе: мольбами Ея щедроты Твоя даждь нам Благий, да Тя прославляем, из гроба нам возсиявшаго.

*Прокимен:*

Буди, Господи, милость Твоя на нас, якоже уповахом на Тя. *Стих:* Радуйтесь, праведнии, о Господе, правым подобает похвала.

*Аллилуиарий:*

Бог даяй отмщение мне, и покоривый люди под мя. *Стих:* Величай спасения Царева, и творяй милость Христу своему Давиду, и семени Его до века.

*Кондак:*

Воскресл еси яко Бог из гроба во славе, и мир совоскресил еси; и естество человече-

ское яко Бога воспеваает Тя, и смерть исче-  
зе; Адам же ликует, Владыко; Ева ныне от уз  
избавляема радуется, зовущи: Ты еси, Иже  
всем подаая, Христе, воскресение.

## Глас 2

### *Стихи на Блаженны*

Глас Ти приносим разбойничь, и молимся:  
помяни нас, Спасе, во Царствии Твоем.

Крест Тебе приносим в прощение прегре-  
шений: егоже нас ради приял еси, Челове-  
колюбче.

Покланяемся Твоему, Владыко, погребе-  
нию, и востанию: имиже от тления избавил  
еси мир, Человеколюбче.

Смертию Твоею, Господи, пожерта<sup>8</sup> бысть <sup>8</sup>поглощена  
смерть: и Воскресением Твоим, Спасе, мир  
спасл еси.

Мурносицы сретил еси<sup>9</sup>, воскрес от гро- <sup>9</sup>встретил  
ба, и учеником возвестил еси, рещи Твое во-  
стание.

Иже во тьме спящих Тя свет видевши, в <sup>10</sup>в глубинах  
преисподнейших<sup>10</sup> адовых, Христе, воскре-  
соша<sup>11</sup>. <sup>11</sup>воскресли

*Слава, Троицен:* Отца прославим, Сыну поклонимся вси, и Святому Духу верно воспоем.

*И ныне, Богородичен:* Радуйся Престолу Огнестрашный. Радуйся, Невеста Невестная. Радуйся, яже Бога человеком Дево рождающая.

*Прокимен:*

Крепость моя и пение мое Господь, и бысть мне во Спасение. *Стих:* Наказуя наказа мя Господь, смерти же не предаде мя.

*Аллилуиарий:*

<sup>12</sup>в день, в  
который

Услышит тя Господь в день печали, защитит тя Имя Бога Иаковля. *Стих:* Господи, спаси царя, и услыши ны, вонуже аще день<sup>2</sup> призовем Тя.

*Кондак:*

<sup>13</sup>радуется  
с Тобой

Воскресл еси от гроба, Всесильне Спасе, и ад, видев чудо, ужасеся, и мертвии восташа; тварь же видящи срадуется Тебе<sup>13</sup>, и Адам свеселится, и мир, Спасе мой, воспевает Тя присно.

## Глас 3

### *Стихи на Блаженны*

Отвергша, Христе, заповедь Твою, праотца Адама из рая изгнал еси: разбойника же щедре исповедавша Тя на кресте, вонь<sup>14</sup> <sup>14</sup>в него вселил еси, зовуща: помяни мя, Спасе, во царствии Твоем.

Согрешших нас смертною осудил еси клятвою, Живодавче и Господи, телом же Твоим, безгрешне Владыко, пострадав, смертныя оживил еси зовущия: помяни и нас во царствии Твоем.

Воскрес из мертвых, совоскресил еси нас от страстей воскресением Твоим, Господи: смертную же всю силу погубил еси, Спасе. Сего ради верою Ти зовем: помяни и нас во царствии Твоем.

Тридневым Твоим погребением, иже во аде умерщвленныя, яко Бог, оживотворивый, совоздвигл еси, и нетление всем, яко Благ, источил еси нам, верою зовущим всегда: помяни и нас во царствии Твоем.

Муроносицам женам первее явился еси, воскрес из мертвых, Спасе, возопив: еже радуйтесь, и теми другом Твоим возвещаеши

востание Твое, Христе. Сего ради верую Ти зовем: помяни и нас во царствии Твоем.

На горе Моисей руце распростер, прообразоваше крест, Амалика победивый: мы же верую того на бесы оружие крепкое приемше, вси зовем: помяни и нас во царствии Твоем.

*Слава, Троицен:* Отца и Сына, и Духа Святаго воспоим, вернии, Единого Бога, Единого Господа, яко от Единого бо Солнца Трисияннаго есть Троица, и просвещает вся зовущия: помяни и нас во царствии Твоем.

*И ныне, Богородичен:* Радуйся, двере Божия, <sup>15</sup>прошел Еюже пройде<sup>15</sup> воплощься, Создатель, запечатану сохранив Тя. Радуйся, облаче легкий, Божественный дождь носяй Христа, радуйся, Лествице и Престоле Небесный. Радуйся, Горо Божия Честная, Тучная, Несекомая.

*Прокимен:*

Пойте Богу нашему, пойте, пойте Цареву нашему, пойте. *Стих:* Вси языцы восплещити руками, воскликните Богу гласом радования.

*Аллилуиарий:*

На Тя, Господи, уповах, да не постыжуся во век. *Стих:* Буди ми в Бога Защитителя, и в дом прибежища, еже<sup>16</sup> спасти мя.

<sup>16</sup>чтобы

*Кондак:*

Воскресл еси днесь из гроба, Щедре, и нас возвел еси от врат смертных; днесь Адам ликует, и радуется Ева, вкупе же и пророцы с патриархи воспевают непрестанно Божественную державу власти Твоея.

Глас 4

*Стихи на Блаженны*

Древом Адам рая бысть изселен; древом же крестным разбойник в рай вселися. Ов убо вкуш<sup>17</sup>, заповедь отверже Сотворшаго; ов<sup>18</sup> же сраспинаемь, Бога исповеда<sup>19</sup> Таящагося, помяни мя, вопия, во Царствии Твоем.

<sup>17</sup>один,  
вкусив  
<sup>18</sup>другой  
<sup>19</sup>исповедал  
Тебя Богом

Вознесыйся на Крест, смертную разрушивый силу, и загладивый, яко Бог, еже на ны рукописание, Господи, разбойниче покаяние и нам подаждь, Едине Человеколюбче, верою служащим, Христе Боже наш, и вопиющим Ти: помяни и нас во Царствии Твоем.

Рукописание наше на Кресте копием раздрал еси, и вменився в мертвых, тамошняго мучителя связал еси, избавивый всех от уз адовых воскресением Твоим, имже просветихомся, Человеколюбче Господи, и вопием Ти: помяни и нас во Царствии Твоем.

Распныйся и воскресый яко Силен из гроба тридневен, и первозданнаго Адама воскресивый, Едине Безсмертне: и мене на покаяние обратитися, Господи, сподоби от всего сердца моего, и теплою верою присно взывати Ти: помяни мя, Спасе, во Царствии Твоем.

Нас ради, Иже безстрастен, страстный бысть человек, и волею на Кресте пригвождейся, нас совоскреси, темже и славим со Крестом страсть и воскресение, имиже возсоздахомся, имиже и спасаемся, взывающе: помяни и нас во Царствии Твоем.

Воскресшаго из мертвых, и адову державу пленившаго, и видима женами муроносицами, радуйтеся, глаголющаго, вернии умолим, от истления избавити души наша, зовуще всегда разбойника благоразумнаго гласом к Нему: помяни и нас во Царствии Твоем.

*Слава, Троицен:* Отца, и Сына, и Святаго Духа, вси единомудренно вернии славословити достойно помолимся: Единство Божества, в Трех сущее Ипостасех, неслиянно пребывающее, Просто, Нераздельно и Неприступно, Имже избавляемся огненнаго мучения.

*И ныне, Богородицен:* Матерь Твою, Христе, плотию без семене рождшую Тя, и Деву воистинну, и по Рождестве пребывшу Нетленну, Сию Ти приводим в молитву, Владыко Многомилостиве, прегрешений прощение даруй, всегда вопиющим Ти: помяни и нас во Царствии Твоем.

*Прокимен:*

Яко возвеличишася дела Твоя, Господи, вся премудростию сотворил еси. *Стих:* Благослови душе моя, Господа, Господи Боже мой, возвеличился еси зело.

*Аллилуиарий:*

Наляцы<sup>20</sup>, и успевай, и царствуй истины ради, и кротости, и правды. *Стих:* Возлюбил еси правду, и возненавидел еси беззаконие. <sup>20</sup>укрепись

*Кондак:*

Спас и Избавитель мой из гроба, яко Бог, воскреси от уз земнородных, и врата ада сокруши, и яко Владыка воскрес тридневен.

## Глас 5

*Стихи на Блаженны*

Разбойник на кресте Бога Тя быти веровав, Христе, исповеда Тя чисте от сердца, помяни мя, Господи, вопия, во Царствии Твоем.

Иже на древе крестнем жизнь процветшаго роду нашему, и изсушивша юже от древа клятву, яко Спаса и Содетеля согласно воспоем.

Смертию Твоею, Христе, смертную разрушил еси силу, и совоздвигл еси иже от века умершья, Тя поющия истиннаго Бога и Спаса нашего.

На гроб Твой, Христе, пришедша жены честныя, искаху Тя, Жизнодавче, мвропомазати, и явися им ангел вопия: воскресе Господь.

Распеншу Ти ся, Христе, посреде двою осужденною разбойнику, един убо хуля Тя,

осужден бысть праведне: другий же исповеда Тя, в рай вселися.

Ко апостолов лику пришедша жены честныя, возопиша: Христос воскресе, яко Владыце и Содетелю Тому поклонимся.

*Слава, Троицен:* Троице Нераздельная, Единице Вседетельная и Всесильная, Отче, Сыне и Святой Душе, Тебе поем Истиннаго Бога и Спаса нашего.

*И ныне, Богородичен:* Радуйся, одушевленный Храме Божий и Врата Непроходимая; радуйся, неопалимый и огнеобразный Престоле; радуйся, Мати Еммануила, Христа Бога нашего.

*Прокимен:*

Ты, Господи, сохраниши ны, и соблюдеши ны от рода сего и во век. *Стих:* Спаси мя, Господи, яко оскуде преподобный.

*Аллилуиарий:*

Милости Твоя, Господи, во век воспую, в род и род возвещу истину Твою усты моими. *Стих:* Зане рекл еси<sup>21</sup>: в век милость созиждется, на небесех уготовится истина Твоя.

<sup>21</sup>ибо Ты сказал

*Кондак:*

Ко аду, Спасе мой, сошел еси, и врата сокрушивый яко всесилен, умерших, яко Создатель, совоскресил еси, и смерти жало сокрушил еси, и Адам от клятвы избавлен бысть, Человеколюбче; темже вси зовем: спаси нас, Господи.

## Глас 6

*Стихи на Блаженны*

Помяни мя, Боже Спасе мой, егда приидеши во Царствии Твоем, и спаси мя, яко Един Человеколюбец.

Древом Адама прельстившагося, древом крестным паки спасл еси и разбойника, вопиюща: помяни мя, Господи, во Царствии Твоем.

<sup>22</sup>засовы Адова врата и вереи<sup>22</sup> сокрушивый, Жизнодавче, воскресил еси вся, Спасе, вопиющия: слава востанию Твоему.

Помяни мя, иже смерть пленивый погребением Твоим, и воскресением Твоим радости вся исполнивый, яко Благоутробен.

Мироносицы ко гробу пришедша, Ангела зовуща слышаху: Христос воскресе, просветивый всяческая.

На древе крестнем пригвоздившагося, и мир от прелести избавльшаго, согласно вси Христа воспоим.

*Слава, Троицен:* Отца, и Сына славословим, и Духа Святаго, глаголюще: Троице Святая, спаси души наша.

*И ныне, Богородицен:* Неизреченно в последняя заченши, и рождши создателя Твоего, Дево, спасай Тя величающия.

*Прокимен:*

Спаси, Господи, люди Твоя, и благослови достояние Твое. *Стих:* К Тебе, Господи, воззову, Боже мой, да не премолчиши от мене.

*Аллилуиарий:*

Живый в помощи Вышняго, в крове Бога Небеснаго водворится. *Стих:* Речет Господеви: заступник мой еси, и прибежище мое, Бог мой, и уповаю на Него.

*Кондак:*

Живонаначальною дланию умершия от мрачных удолий, Жизнодавец воскресив всех

Христос Бог, воскресение подаде человеческому роду: есть бо всех Спаситель, Воскресение и Живот, и Бог всех.

## Глас 7

### *Стихи на Блаженны*

<sup>23</sup>красив был и хорош в пищу <sup>24</sup>вкусив  
Красен бе и добр в снесь<sup>23</sup>, иже мене умертвивый плод: Христос есть Древо животное, от Негоже ядый<sup>24</sup> не умираю, но вопию с разбойником: помяни мя Господи, во Царствии Твоем.

На Крест вознесся Щедре, Адамово рукописание древняго греха загладил еси, и спасл еси от прелести весь род человеческий. Темже воспеваем Тя, благодетелю Господи.

Пригвоздил еси на Кресте Щедре, грехи наша Христе, и Твоею смертью смерть умертвил еси воздвигнувший умерших из мертвых: темже покланяемся Твоему святому воскресению.

Излия яд змий в слухи Евины иногда: Христос же на Древе крестнем источил есть миру жизни сладость. Темже взываем: помяни нас Господи, во Царствии Твоем.

Во гробе яко смертен положен был еси,  
Животе всех Христе: и вереи<sup>25</sup> адовы сло-  
мил еси: и воскрес во славе тридневен яко  
силен, всех просветил еси: слава Твоему во-  
станию. <sup>25</sup>засовы

Господь воскрес тридневен из мертвых, да-  
рова мир Свой учеником, и сих благословив  
посла, рек: вся приведите во Царствие Мое.

*Слава, Троицен:* Свет Отец, свет Сын и Сло-  
во, свет Дух Святой, но един Свет три, един  
бо Бог в триех убо Лицех, едином же есте-  
стве и начале, несеком и неслиян, Сый пре-  
вечный.

*И ныне, Богородичен:* Родила еси Сына и Сло-  
во Отчее, плотию нас ради, якоже весть, Бо-  
городице, Сам. Темже, Дево Мати, обоже-  
ни бывше Тобою, радуйся, Тебе зовем, хри-  
стианом упование.

*Прокимен:*

Господь крепость людем Своим даст, Гос-  
подь благословит люди Своя миром. *Стих:*  
Принесите Господеви, сынове Божии, при-  
несите Господеви сыны овни<sup>26</sup>.

<sup>26</sup>МОЛОДЫХ  
ОВНОВ

*Аллилуиарий:*

Благо есть исповедатися Господеви, и пети имени Твоему Вышний. *Стих:* Возвещати заутра милость Твою, и истину Твою на всяку нощь.

*Кондак:*

Не ктому держава смертная возможет держати человеки: Христос бо сниде, сокрушая и разоряя силы ея. Связуем бывает ад, пророцы согласно радуются: предста, глаголюще, Спас сущим в вере, изыдите, вернии, в воскресение.

## Глас 8

*Стихи на Блаженны*

Помяни нас, Христе Спасе міра, якоже разбойника помянул еси на древе: и сподоби всех, Едине Щедре, Небесному Царствию Твоему.

Слыши, Адаме, и радуйся со Евою: яко обнаживый прежде обоя<sup>27</sup>, и прелестию взял вас пленники, Крестом Христовым упразднися.

На древе пригвожден быв, Спасе наш, волею, яже от древа клятвы Адама избавил

<sup>27</sup>обоих вас

еси, воздая, яко Щедр, еже по образу, и райское селение.

Днесь Христос воскрес от гроба, всем верным подавая нетление, и радость обновляет муроносицам по страсти и Воскресении.

Радуйтесь мудрыя жены муроносицы, первыя Христова Воскресение видевши, и Его возвестивши апостолом, всего мiра воззвание.

Друзи Христовы апостоли явльшеся, сопрестольни Его славе быти имуще, со дерзновением Тому нам предстати, яко ученицы Его молитесь.

*Слава, Троичен:* Безначальная Троице, Нераздельное Существо, Сопрестольная Единице, Единочестная славою, Прена-  
чальное Естество и Царство, спасай, иже верою воспевающих Тя.

*И ныне, Богородицен:* Радуйся, Божие пространное Вместилище; радуйся, Ковчеже новаго завета; радуйся, ручко<sup>28</sup>, из Неяже манна всем дадеся небесная.

<sup>28</sup>золоченный  
сосуд

*Прокимен:*

Помолитесь и воздадите Господеви Богу нашему. *Стих:* Ведом<sup>29</sup> во Иудеи Бог, во Израили велие<sup>30</sup> Имя Его.

<sup>29</sup>известен

<sup>30</sup>велико

*Аллилуиарий:*

Приидите, возрадуемся Господеви, воскликнем Богу Спасителю нашему. *Стих:* Предварим лице Его во исповедании, и во псалмех воскликнем Ему.

*Кондак:*

Воскрес из гроба, умершья воздвигл еси, и Адама воскресил еси, и Ева ликует во Твоем Воскресении, и мирстии<sup>31</sup> концы торжествуют еже из мертвых востанием Твоим, Многомилостиве.

© Острова 2015  
[www.ostrova.org](http://www.ostrova.org)